

جَزَائِرُ مَحَاكِرِ

جمعه ایرتسی

نومرو	رجب	سنه	كانون اول	سنه	صحیفه
۸۵۵	۱۷	۱۳۱۳	۲۳	۱۳۱۱	۱۱۹۹۷

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می فروش)
 (حسابیه التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می فروش اولوق اوزره یوزپاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولوق استیائلر عدلیه نظارتی)
 (دأره سنده کائن جریده محاکم اداره سنه مراجعت ایلیلدر)

قسمت سیمی

(فی ۱۲ رجب سنه ۳۱۳ و فی ۱۶ کانون اول)
 (سنه ۳۱۱ تاریخیه بالجمله ولایات)
 (استیئاف محکمه سی مدعی عمومیلرینه ومدعی)
 (عمومی بولمیان محالر مدعی عمومی معاونلرینه)
 (یازیلان تحریرات عمومیه صورتیدر)

تقدیمی مقاولات محرر | لکترینه عائد اولدینی
 حالده بعض محاکمه اورادن مصدق اولمیان
 وکالتنامه لک قبول ایدلمکده اولدینی استخبار
 اولنمی اوزرینه حکم نظامه توفیق معامله ایدلمی
 لزومی فی ۱۷ شباط سنه ۳۰۷ تاریخلو تحریرات
 عمومیه ایله تبلیغ ایدلمشیدی ذکر اولتان تحریرات
 عمومیه به استناداً طشره محاکمه وکالتی ناطق
 حجج شرعیه نک قبول ایدلمکده بولندینی
 استفسار معامله بی حاوی بعض طرفدن وارد
 اولان محررات مندر جانندن منضم اولوب حالبوکه
 اصول محاکمات حقوقیه قانوننسک قرق برنجی

محاکم نظامیه به ابراز اولنه جق وکالتنامه لک

ماده سنده بر محکمه دن ویا مقاولات محرر لیکندن
مصدق اولان وکالتنامه لرك لزوم قبولی محرر
بولمش اولسنه نظراً محاکم نظامیه و دوائر
رسمیه چه معمول به عد و اعتباری لازم کلان
بوکی حجج شرعیه نك قبولی امرنده تردد
وواشتباهه محل اولدینی و علی الخصوص مذکور
نحیرات عمومیه وکالتی متضمن حجج شرعیه نك
قبول ایدلامسی یولنده بر قید و اشارت اولیوب
یوبابده حکم نظامه توفیق معامله به دقت اولنسی
توصیه و اخطار قلندینی کی بوقیل و ثابق شرعیه به
وکالت بختلری اطلاق اولنهرق وکالتنامه تعیر
اولنلامسی دخی سالف الیان حجج شرعیه نك
قبولی لزومنه دلالت ایتمکده بولمش ایدوکنه
بناءً بعد ازین اولوجهله ایفای معامله اولنقی
وایجاب ایدن محاکمه تبلیغ ایدلک اوزره اشبو
تحریراتک نسخ مطبوعه کافیه سی لفا ارسال
اولندینی بیانیه و امور حقوقیه مدیریتی افاده سیله
شقه ترقیم قلندی .

قسم غیر رسمی

در سعادت بدایت محکمه سی ایکنجی حقوق
دائرة سندن ۱۲ نیسان سنه ۳۱۱ تاریخی و التمش
سکز عددی ایله ویریلان اعلامک مابعدی .

ایجابی مذاکره اولندوقده اعلام مذکور
مطالعہ سندن منہم اولدینی اوزره مرقومان
صوتری و خرسونک جهت التزامدن طولانی
مرقوم واسیل ذمتنده الاجلری اولدینی بیک
بشیوز التمش اوچ غروش اوتوز باره نك غیاباً
تحصیلنه دائر در سعادت بدایت محکمه سی ایکنجی
حقوق دائرة سندن ویریلان اعلامک عندالاعترا
ض تصدیقه حکم ویرلش ایسده اساس حکمه
سبب اتخاذ قلنان اعلام غیابینک عیناً و یا خود
خلاصه اعلام وجاهی به درج و تئیق ایدلک
اقتضا ایدر ایکن درج ایدلامسی و منازع فیہ
بفجه نك شورای دولت مضبطه سنده محرر
مستثنیاته داخل اولدینک نظر دقت و اعتباره
الخصمین سالف الذکر اعلام غیابینک تصدیقه
قرار ویرلسی یولسر و مقایر قانون اولدینغه

مذکورده ساکن اصحاب املاکن کوریجه لی
اسماعیل جعفر بکله دیمتری شرافین و دیمتری
ایجو وکیلی حسن تحسین افندی یوم معینده
دائرة به کلدکلرندن ایضاحات شفاهیه لریله
تدقیقات تمیزیه اجرا سنه ابتدار اولندی .

اعلام مذکورک خلاصه مالی اهالی
مرقومه وکیلی صبحی افندی موکلری مشترکا
تصرف و انتفاع ایله دکلری غراضک قریه سی
حدودی داخلنده کائن قشلاق و یا یلاق و اراضی
حقننده مومی الهم اسماعیل بک و ورققاسنک
منع مداخله سی و بوبابده بدل ایجار ایله اشتراک
دعوالرینک تحت حکمه الخمسنی طلب و دعوی
ایتمش ایسده اشبو قشلاق و یا یلاق ایله اراضی
حقننده اهالی مرقومه نك بدل ایجار و اشتراک
دعوالری مجله نك بشیوز طقسان یدنجی و بشیوز
طقسان سکزنجی ماده لری حکمنجه مسموع
اولدینندن ردینه و محل منازع فیهک یدی سهم
اعتباریه الی سهمی مدعی علیهم اسماعیل بک
ورققاسنک مال مشترالری اولوب بر سهمی دخی
اهالی قریه نك اولدینی تزویر و تصدیعدن سالم
و جانب جلیل فتوا خانه دن مصدق اعلام شرعی
وانی مؤید فرمان عالیشان ایله ثابت اولدینغه

و مستدعی واسیل وکیلی شریف افندینک
اعتراضی بوجهته متدائر اوله ق شایان قبول
بولدینغه بناءً اصول محاکمه حقوقیه قانونک
ایکیوز اوتوز ایکنجی و ایکیوز قرق برنجی
ماده لری موجبجه اعلام مذکورک نقضیه
قانون مزبورک ایکیوز قرق در دنجی ماده سی
حکمنه توفیقاً کیفینک صور محرره دائرة سنده
یکیدن بالرؤیه اعلامه ربطی ضمننده محکمه مذکور
ره به اعاده سنه وزیرده مفرداتی مرقم بشیوز
اون اوچ غروش مصارف تمیزیه نك ایلروده
حقسنر حقیقه جق طرفه رجوع ایتک اوزره اول
امرده مستدعی مرقومدن الخمسنه ۳ اغستوس
سنه ۳۱۱ تاریخنده متفقاً قرار ویریلهرک تفهیم
قلندی .

صرفیجه بدایت محکمه سندن ۸ تشرین ثانی
سنه ۳۱۰ تاریخی و الی سکز عددی ایله
ویریلان اعلامک تمیزینی استدعا ایدن جمعه
قیالر قضاسنه تابع غراضک قریه سی اهالیسی
وکیلی رفیق بک افندی ایله مدعی علیهم قریه

واعلام مذکور حکمک تقدیر قوتی محکمه نظامیه نک وظیفه سندن خارج اولسنه مبنی اهالی مرقومه نک اساس دعوی حقنده کی ادعاسنک ردیه مدعی علیهم معارضه دن منعه دایر جمعه قضای بدایت محکمه سندن ویریلان اعلام علیهنده قریه مذکوره اهالیسی جانبندن اقامه اولنان استیناف دعواسی اوزرینه جریان ایدن محاکمات و تدقیقات نتیجه سنده اهالی مرقومه نک درجه اولی محکمه سنده اقامه ایلش اولدقلری بدل ایجار دعواسی رد ایلش اولدینی حالد اشبو قرار اهالی قریه طرفندن استیناف ایدلامسندن ناشی تدقیقه لزوم قانونی اولدینی واشتراك دعواسی حقنده دخی ابراز ایدیلان اوراق رسمیه قارشو تدقیقات اجرایی نظام محکمه سنک وظیفه سندن خارج بولندینی جهتله اولبایده ویریلان حکم ابتدائی اصول و قانونه موافق اولدینه ومستأنف بولنان قریه مذکوره وکیلک درمیان ایتش اولدینی اعتراضات فسخ حکمی موجب احوال دن کوریه مدیکنه بناء ردیه اعلام مستأنف بهک تصدیقه حکمدن ومستدعی تمیز غراضک قریه سی اهالیسنک وکیل رفیق بک افندینک اشبو حکم علیهنده کی اعتراضاتک خلاصه سی اساس دعوی اراضیدن منعبت اولدینی حالد بونک قننی نوع اراضیدن اولدینه محکمه جه تعرض ایدلامسی واصولاً دخی کشف اجرا قلنامسی و ذی الید شاهد لرینک بلاسبب رد ایلش اولدینی کبی محل منازع فیه قریه مذکوره اهالیسنک اولوب یدلرنده طابو سندلری اولقله برابر مستند حکم اولان اعلام شرعی کندولرینه تبلیغ ایتدیرلما مسی مغایر اصول ونظام اولدیفندن بحثله اعلامک نقضی ومدعی علیهم اسماعیل بک ورفقاسنک وکیل حسن تحسین افندینک بوکا قارشو نتیجه جوابیه سی موکللری محل مذکوره برقطعه اعلام شرعی وفرمان عالیشان ایلهمتصرف اولدقلری وبونلرک حکم وقوتنک تقدیری ایسه محاکم نظامیه نک وظیفه سندن خارج اولوب حکم واقع اصول وقانونه موافق بولندینی بیانیله اعتراضات واقعه نک ردی و اعلامک تصدیقی طلبندن ومعاون مومی الیهک مطالعه سی ایسه درجه اولی محکمه سنده درمیان اولنان ایجار واستیجار دعواسه دایر اولان قرار استیناف اولنامق حسیدیه کسب قطعیت ایتش و وظیفه جهنلری دخی استدعا دائره سنجه تصدیق قلنش اولسنه مبنی اعتراضات واقعه نک موافق قانون کوریه مدیکی بیانندن عبارت بولمشدر

ایجابی مذاکره اولدقدده اعلام مذکور مطالعه سندن مفهم اولدینی اوزره مذکور غراضک قریه سی اهالیسنک قوم محصور اولوب اولدقلرینک تدقیقه اکا کوره طرفین ایدلک لازم کلور ایکن ایدلامسی ومستأنف علیهندن اسماعیل بک دعوت واقعه جه اجابت ایتلامسی جهنله محافظه حقوقی ضمنتده بر وکیل مسخر تعین قلنمسی ایجاب ایدر ایکن وحکم ابتدائی اعلامک عیناً ویا صورت دعوی ایله جریان ایدن محاکمه اکلاشیلور درجده خلاصه اعلام بمیزبه درج ایدلامسی ومستند حکم اولان اعلام شرعی بلاینه مضمونیه عمل اولنور سفدات شرعیه دن اول تنظیم ایدلمسیله اعلام شرعی مذکورک اصولی دائره سنده مضمونی اثبات ایتدیرلک وثابت اولدینی حالد حکم اعلام یالکز دروننده اسملری محرر کسانه عائد اولوب اهالی قریه حقنده بر گونه تأثیری اوله میه جفی جهتله اهالی قریه حقنده بوکبی مرعی ویا یلاق وقشلاق ماده لرینه دایر اواضی قانوننامه سنده مسطور اصول وقاعدهیه توفیقاً معامله ومحا که اجراسیله حکم اعطا قلنمق لازم کلور ایکن محکمه مذکوره جه بورالرنه دقت اولنمقسزین حکم اولنمسی یولسز ومغایر قانون اولدیفندن اصول

ادرنه تجارت محکمه سندن ۷ کانون ثانی سنه ۳۱۰ تاریخی وبوز اوتوز سکیز عددی ایله ویریلان اعلامک تمیزی استدعا ایدن ادرنده حاجی عمر محله سنده مقیم عنکلا کی نیکیطه باعرتحال طلب واستدعا ایلدیکی حالد یوم معینده دائره کلامش ایسه ده مدعی علیه ادرنه نک حکومت جوارنده ساکن صراف یورکی کلش اولدیفندن ایضاحات شفاهی سی استماع قلندقدن

صکریه تدقیقات تمیزیه اجراسنه ابتدار اولندی .

اعلام مذکورک خلاصه مالی مزبور صراف یورکینک امره محرر ایکی قطعه سند موجبجه مرقوم عنکلاکی ذمتنده الاجبی اولان اوچوز عدد لیرای عثمانینک تحصیلنه دائر عن الغیاب ادرنه تجارت محکمه سندن استحصال ایلمش اولدینی اعلام علیه مرقوم عنکلاکی اعتراض علی الحکم استدعای اعطا و معترض علیه یورکی ایسه مدماه اولان مذکور اوچوز لیرانک تأمین استیفای ایچون معترض مرقومک عهده تصرفنده بولنان برباب خانه ایله برباب مغازهیه وضع ایلدیکی جزک تصدیقی باعریضحال طلب واستدعا ایلملریله برابر عند المحاکمه مرقوم عنکلاکی دعوی واقعه نکر رؤیتی تجارت محکمه سنک وظیفه سی خارجنده اولوب طرفین صفت تجاریه بی حائز اولدیغنی بیان ایتمسلیله جریان ایدن تدقیقانه دعوی مبحونه نکر فصل وحسمی تجارت محکمه سنه عائد اولوب حقوق محکمه سنک وظیفه سی خارجنده اولدینی جهته اساس مادهیه جواب ویرلمی لزومی قرار گیر اولدقدنصکره اساس مادهیه

معترض مرقوم عنکلاکی وکیلنک جواب ویرمکدن امتناع ایله وظیفه قرارینک لاجل الاستیناف اعلام شکله وضعیه طرفینه تبلیغی طلبیه غیوبت ابتدکن ومحافظة حقوقی ضمنتده بر وکیل مسخر تعیین قلندقدن صکره محاکمات وتدقیقات جاریه نتیجه سنده اصول محاکمه حقوقیه قانوننک یوز الی طقوزنجی ماده سی موجبجه اولبابده کی اعتراض علی الحکم استدعا سنک ردینه وتأیید جز دعواسنه دائر وکیل مسخرک انکاری شایان قبول اولدیغندن اعتراض وقوعنده ایجاب نظامیسنه باقلمق اوزره موضوع جزک تصدیقنه حکمدن ومستدعی تمیز عنکلاکینک اشبو حکم علیه نه لایحه سنده محرر اعتراضاتنک خلاصه سی دعوی واقعه نکر فصل ورؤیتی حقوق محکمه سنه عائد اولوب تجارت محکمه سنک وظیفه سی خارجنده اولدیغنی عند الاعتراض درمیان ایتمش ایکن اشبو وظیفه ادعاسنک مدعی عمومی حضوریه حل ایدلک ایجاب ایدر ایکن مدعی عمومی بولندیرلمقسنزین رد استدعاسنه قرار ویرلمی وبونک لاجل الاستیناف اعلام شکله طرفینه تبلیغ واعطا قلماسی یولسز ومغایر قانون اولدیغندن بحکله اعلام نقضی ومدعی علیه یورکینک نتیجه اجوبه سی ایسه اعتراضات

مسروده نکر واهی وبی اساس اولدینی بیانیله ردی وموافق اصول وقانون اولان اعلامک تصدیق طلبندن عبارت بولمشدر .

ایجابی مذاکره اولدقدن اعلام مذکور مطالعه سندن منقهم اولدینی اوزره معترض وکیلنک عند الاعتراض درمیان ایلدیکی وظیفه اعتراضک ردینه دائر ویریلان قرارک لاجل الاستیناف اعلام شکله وضعیه طرفینه اعطاسی طلب ایلدیکی وطلب واقع ایسه اصول وقانونه موافق اولوب اولبابده کی قرارک اعطاسی لازمکلور ایکن اعطا اولنماسی ووظیفه اعتراضک مدعی عمومی حضوریه تدقیق اولنسی ومطالعہ سنک النسی اقتضا ایدر ایکن مدعی عمومی حاضر اولمقسنزین تدقیق وحکم ایلمسی وبوکی اموال غیر منقولیه وضع اولنه حق جزک وضع وتصدیق وبارفی حقوق محکمه سنه عائد اولوب تجارت محکمه سنک وظیفه سی خارجنده اولدینی حالده بونک دخی وظیفه خارجنده اوله رق تجارت محکمه سنجه رؤیتی مغایر قانون اولدیغنه ومستدعی عنکلاکینک اعتراضی دخی بوجهته متدائر اولوب شایان قبول بولندیغنه بناء اصول محاکمه حقوقیه قانوننک ایکوز اوتوز ایکنجه

وایکوز فرق برنجی ماده لری موجبجه اعلام مذکورک نقضیه قانون مذکورک ایکوز فرق دردنچی ماده سی حکمنه توفیقاً کیفیتک صور محرره دائره سنده یکیدن بالرؤیه اعلامه ربطی ضمنتده محکمه مذکوریه اعاده سنه وزیرده مفرداتی مرقم درتیوز طقوز یحق غروش مصارف تمیزیه نکر ایلروده حقسنر چیه حق طرفه رجوع ایتک اوزره اول امرده مستدعی مرقومدن النسنه ۲۸ ایلول سنه ۳۱۱ تاریخنده متفقاً قرار ویریلهرک تفهیم قلندی .

لابسکی بدایت محکمه سندن ۲۵ تشرین اول سنه ۳۰۶ تاریخی و اوتوز یدی عددی ایله ویریلان اعلامک تمیزی لابسکی قضای زراعت باقه سی وکیلی فکری افندی طرفندن باعریضحال استدعا قلمش ویوم معینده زراعت باقه سی وکیلی اوخانس افندی ورود ایدوب مدعی علیه قضاء مذکورک صوابی قریه سی اهااليسندن غازی اوغلی صالح چاوش کلدیکی کی جواب لایحه سی دخی کوندرماش اولدیغندن

بالکز وکیل مومی الیهک ایضاحات شفاهیہ سبلہ
باش مدعی عمومی معاونانندن سعادتلو یورغا کی
افندیکنک مطالعہ سی استماع اولندقدن صکرہ
تدقیقات تمیزیه اجراسنہ ابتدار اولندی .

اعلام مذکورک خلاصہ مالی لایسکی
قضای زراعت بانکہ سنک روم ایلی اوغلی
متوفی احمد نام کسنہ ذمتندہ مع فائض الاجنی
اولان درتیک ایکوز الی بدی بچق غروشک
حسب الکفاله مزبور صالح چاوشدن تحصیل
حقندہ محکمہ مذکورہ دن استحصال ایلدیکی
اعلام غیابی علیہندہ مزبور صالح چاوش جانبندن
اعتراض علی الحکم استدعای اعطا و جریان
ایدن محاکمہ وجاہیہ دہ مبلغ مدعاہدن انجق
بر موجب سند برسنبہ لک غماسیلہ حاصل اولان
ایکی بیک درتیوز اون بش غروش اونوز
پارہ سنہ کفیل اولدیغنی اقرا ایلہ مرور ایدن
ایام گذشتہ سنک اعطا سنہ تعہد اولمدیغنی کبی
کندوسنہ پروتستو قلقلو بر اخبار نامہ وتنبہنامہ
کوند رلدیکنندن مذکور گذشتہ نک لازم کلیہ
جکئی ومع مافیہ مبلغ مذکور قائمہ نک نشرندن
صکرہ غروش اولہرق استقراض ایلدیلوب
اوابادہ کی قرار نامہ موجبہجہ درت بچق قائمہ

بحسب الکفاله معترض مرقوم صالح چاوشدن
تحصیلہ ومبلغ مزبورہ استدعا نک بیورلدی
تاریخندن اعتباراً حین تحصیلہ دکن یوزدہ الی
فائض یوریدلسی لزومہ قرار ویرلدیکنندن
ومستدعی تمیز وکیلنک اشبو اعلام علیہندہ کی
اعتراضاتنک باشلوجہ سی بر ایشدن مقصدنہ ایسہ
حکم اکا کورہ اولہجفی واقراضاتنک عقدندہ کی
مقصد ایسہ حصول نما ایدوی جہتلہ مبلغ مدعا
بہدن طولای فائض لازم کلہجکی درکار ایکن
محکمہ مذکورہجہ بوراسنہ دقت اولنماسی
مغایر قانون اولدیغندن بختلہ اعلامنک نقضی
استدعا سندن ومعاون مومی الیهک مطالعہ سی
دخی دعوای واقعہ منافع عامیہ متعلق اولدیغنی
حالدہ اثنای محاکمہ مدعی عمومی استماع
قلنامش وسند فاضلی اولدیغنی جہتلہ فائض
یوریدلماش اولسنہ مبنی اعتراضات واقعہ نک
موافق قانون اولدیغنی بیانندن عبارت بولنمشدر .

ایجابی مذاکرہ اولندقدہ اعلام مذکور
مآلندن اکلشلدیغنی اوزرہ دعوای واقعہ
منافع عامیہ متعلق اولدیغنی جہتلہ اثنای محاکمہ
مدعی عمومینک حضوریلہ مطالعہ سنک استماعی
احکام قانونیہ اقتضای سندن بولنمش ایکن محکمہ

مذکورہجہ بوراسنہ دقت اولنقسزین برمنوال
محرر حکم اولنسی مغایر قانون اولدیغنی ومعاون
مومی الیهک بوجہتہ دائر اولان مطالعہ سی
موافق نفس الامر کورلدیکنسہ بناء اصول
محاکمہ حقوقیہ قانوننک ایکوز قرق برنجی
مادہ سی موجبہجہ اعلام مذکورک تقضیلہ قانون
مزبورک ایکوز قرق دردنچی مادہ سی حکمنہ
توفیقاً کیفیتک صور مشروحہ دائرہ سندہ یکیدن
بالرؤیہ اعلامہ ربطی ضمنندہ محکمہ مذکورہیہ
اعادہ سنہ وزیردہ مفرداتی مرقم اوچیوز الی
درت بچق غروش مصارف محاکمہ نک ایلرودہ
حفسز چیقہجق طرفہ رجوع ایتک اوزرہ اول
امردہ مستدعی تمیز بانکہ مذکورہ دن النسنہ
۱۴ کانون اول سنہ ۳۱۰ تاریخندہ متفقاً
قرار ویریلہرک تفہیم قلندی .

قرہ سی بدایت محکمہ سندن ۱۴ تموز
سنہ ۳۰۴ تاریخی و قرق ایکی عددی ایلہ
استینافاً صادر اولان اعلامک تمیزینی استدعا ایدن
بوغاز ایچندہ بیوک درہ دہ ایکی نومرو لی

ساختمان ده مقیم روسیه دولتی تبعه‌سندن متوفی
پتره قماره زوجہ سی و اولاد صغاری و صیمی
مادام پولیمیان قماره و کیلی بغدیک سورنیان
افندی ایله مدعی علیه دفتر خاقانی نظارت جلدیله
می و کیلی رفیق بکک یوم معینده دائرہ و ورود
ایتمزلیله ایضاحات شفاهیہ لریله باش مدعی عمومی
معاونلریدن سعادتلو یورغاکی افندیکن مطالعہ سی
استماع قلندقد نصرکہ تدقیقات تمیزیه اجراسنه
ابتدار اولندی .

اعلام مذکورک خلاصہ مالی متوفی
پتره قماره نک ایدنجک ناحیہ سی داخلندہ کائن
باطاپو متصرف اولدینی صغرجی چفتلیکی نامیلہ
معروف چفتلیکک بعض محللرینہ علی طاپو
مأموری طرفندن واقع اولان مداخلہ نک منی
حقندہ متوفای مرقومک ورثہ صغاری و صیمی
وزوجہ سی مزبورہ مادام پولیمیانک باندروہ
بدایت محکمہ سندن استحصال ایلدیکی اعلامک
فسخنی ناطق قرہ سی بدایت محکمہ سندن استینافاً
صادر اولان اعلام غیابی علیہندہ مزبور مادام
پولیمیان طرفندن اعتراض علی الحکم عرضحالی
اعطا وائنا ی محاکمہ و جاہیہ عند الاستیناف
یوم محاکمہ بی مین اصولاً کندوسنه دعوتیہ

ورقہ سی و اوراق سائرہ استینافیہ صورتلری
تبلیغ ایدلمکسزین حکم غیابی مذکورک صادر
اولدینی کی حکم ابتدائی محلی طاپو کتابتہ تبلیغ
اولہرق بناء علیہ تاریخ تبلیغندن استیناف
استدعا سنک اعطاسی تاریخنہ دکن کذران ایدن
ایامہ نظراً مدت استینافیہ نک دخی مرور ایتیش
اولدینی حالده استیناف استدعا سنک قبولیلہ حکم
مستأنف بہک فسخی مغایر قانون اولدینی مدافعة
بالیان اعلام استینافی مذکورک فسخی طلب
وادعا قلمش ایسہدہ اولبابدہ اجرا قلنان
تدقیقات نتیجہ سندن مزبورہ پولیمیاقدینک دعوی
استینافیہ دن خبردار ایلدیکی اعلام غیابی
مذکور مندرجاتندن اکلشلمسنہ و حکم ابتدائی
حقندہ اجرا قلنان تبلیغ معاملہ سنک یولندہ
جریان ایتدیکی جہتلہ بوکا مبتی اولہرق حساب
ایدیلان مدت استینافیہ نک دخی حکمی اولہمیہ
جفتہ بناء اعتراضات واقعہ نک ردیلہ اعلام غیابی
مذکورک تصدیقہ حکمدن و مستدعی تمیز
و کیلنک اشبو اعلام علیہندہ کی اعتراضاتک
خلاصہ سی مدت استینافک مروری حقندہ
درمیان ایلدکلری اعتراضاتک ردی یولندہ
برکونہ اسباب موجبہ کوسترلماش و امر محاکمہ
نک ختامی طرفینہ تفہیم اولنماش اولسی قانونہ

مغایر اولدیغندن بمثلہ اعلام مذکورک نقضی
استدعا سندن و نظارت مشار الیہا و کیلنک نتیجہ
جوابی دخی حکم واقع اسباب موجبہ مستند
و قانونہ موافق اولدیغندن اعتراضات مسروودہ نک
ردی و اعلام مذکورک تصدیق طلبندن و معاون
مومی الیہک مطالعہ سی دخی حکم ابتدائی
اعلامک تاریخ تبلیغہ نظراً مدت استینافیہ نک
مرور ایتیش اولدینی مستدعی تمیز طرفندن
درمیان اولنماش ایسہدہ اولبابدہ برکونہ
اسباب موجبہ قانونیہ کوسترلماش اولسنہ منی
اعتراضات واقعہ نک موافق قانون اولدینی
بیانندن عبارت بولنمشدر .

ایجابی مذاکرہ اولندقدہ اعلام مذکور
مندجاتندن تفہیم اولدینی اوزرہ دعوی واقعہ
طاپو مأمورینک خصوصتہ مآذونیتی اولوب
اولدینی تدقیق اولندقدن صکرہ مآذون اولدینی
تیین ایلدیکی حالده مأمور مومی الیہ و قوعبولان
تبلیغک دخی بالطبع حکمی اولہمیہ جفی درکار
ایکن محکمہ جہ بوبایدہ اجرای تدقیقات اولنمکسزین
حکم ایدلمسی و اعتراض علی الحکم استدعا سندنہ
محرر اعتراضات ایله اساس مادہ حقندہ کی
افادانک ردی حقندہ اسباب موجبہ کوسترلماش

و ختام محاکمہ نک تفہیم اولنماش سی یولسز و مغایر
قانون اولدیغنه و مستدعیہ و کیلنک اعتراضیلہ
معاون مومی الیہک مطالعہ سی دخی بوجہتہ
متدائر اولہرق شایان قبول ایدوکنہ منی
اصول محاکمہ حقوقیہ قانونک ایکوز اوتوز
ایکینجی و ایکوز قرق برنجی مادہ لری موجبہ
اعلام مذکورک نقضہ و زبرده مفرداتی مرقم
درتیوز طقوز یحق غروش مصارف محاکمہ نک
ایلروودہ حقسز چیقہ جق طرفہ رجوع ایتک
اوزرہ اول امرده مستدعیدن الخمسنہ ۲۹ تشرین ثانی
سنہ ۳۰۹ تاریخندہ متفقاً قرار ویریلہرک تفہیم
قلندی .

بروسہ استیناف محکمہ سندن ۱۱ شباط
سنہ ۳۰۴ تاریخی و اوتوز اوچ عددی ایله ویریلان
اعلامک تمیزی استدعا ایدن بروسہ نک مراد
ثانی محلہ سندنہ مقیم روسیہ دولتی تبعہ سندن
موسیو غوریلاکی و ولد انیبا محلہ سندنہ ساکن
بادملی زاده احمد بک و علی پاشا محلہ سندنہ مقیم
عزت اغا و زوجہ سی صدیقہ خانم ایله مدعی

عليهما قره مان قره سنده مقیم متوفی عبدالکریم
اغا ورثه سندن احمد اغا وروسه نک اورخان
غازی محله سنده مقیم صلاحی افندی نک وقوع
وفاته مبنی منحصراً وارثی اولدینی با عرخیال
بیان اولنان صدیقه خانمک تعیین اولنان کونده
دائرة به کلدکلرندن اصول محاکمه حقوقیه
قانوننک ایکوز یکرمی طقه وزنجی ماده سی
موجبجه تدقیقات تمیزیه اجراسنه ابتدار
قلندی .

اعلام مذکورک خلاصه مالی مرقومون
غوریلاکی وعزت اغا واحمد بک ایله صدیقه
خاتم بروسه به تابع قره مان وبلاد یونس ومنارلی
چاوش قریه لری حدودی داخلنده من القديم
جریان ایده کلان قرلنچ صوبندن بالافراز انشا
ابتدیر دکلری اوج باب دکرمانک حرقة
عبدالکریم اغا وصلاحی افندی تجاوز ایدرک
مجدداً بر دکرمان انشاسنه قیام ایتیش ايسه ده
مذکور صو باسند تصرف ایتیکده اولدقلری
دکرمانلرینه مخصوص صو اولدیفندن بمثلله
وقوعبولان مداخله نک منعی بروسه بدایت
محکمه سنده طلب ودعوی وبرقطعه فرمان عالی
ایله چند قطعه اوراق ابراز واعطا مدعی علیهما

جانبندن دخی کندولرینک اخذ ایتیش اولدقلری
صو انهارمباهه دن اولدینی جهتله مدعیونک بوباید
تملک ادعاسنه صلاحیتی اوله میه جنی مدافعه
درمیان قلنمش ايسه ده منازع فیه صویک مذکور
قرلنچ چاپندن ایریله رق من القديم تملک ایدیه
کلدیکی کبی قنوت ومنات مخصوصه استعمالیه
مدعیلرک دکرمانلرینه اجراسیله مجارمه محلوکیه
ادخال قلنمش اولدینی کشفاً ثابت اولسنه مبنی
مذکور حرقة وقوعبولان مداخله نک منعه
واحدات اولنان دکرمان ابنه سندن طرفه تجاوز
ایدن مجرای قدیمه ارجاعنه دائر صادر اولان
اعلام ابتدائینک استینافاً فسخیه اجرا قلنان
محاکمه وتدقیقات استینافیه نتیجه سنده مذکور
قرلنچ صوبی اساساً کشیش طاغنده کائن دره
لرندن حاصل اولان صولرک جریانندن متشکل
انهار مباحه دن اولوب بونکله همجوار بولنان
احباب اراضی وعموم طرفندن انتفاع ایدیه
کلکده اولدینی واوزرنده بولنان بالجلله دکرمان
صاحبلری دخی مذکور صوبی استعمال ایدرک
هیچ برکسه نک ملکته یکمماش بولندینی
ومنازع فیه دکرمانک احدانندن طولایی
مدعیلرک دکرمانلرینه ضرر ترتب ایتدیکی
کشفاً متحقق اولوب مذکور صویک مملوکیتی

حقنده مستأنف علیهم ابراز ایتیش اولدقلری
شهادتنامه برکونه حکم وقوتی حائر اولماسیله
برابر فرمان عالی دخی رؤیت دعوی آمراولجه
ویرلش واعلام نظامی دخی دعوی حاضرده
مروور زمان وقوعی مبین اولوب سندات سائر
ایسه دکرمان اصحابی طرفندن وضع معاطعه بی
حاوی بولنق ملابس سیله اوراق مذکور بوباید
اصحاحه صالح اوله مامسنه بناءً مستأنف علیهم
مذکور صو حقنده کی ملک خاص ادعایرینک
ردیله محل مذکورده دکرمان انشا واستعمال
ایده بیلیمک اوزره مستأنفله قارشو معارضه دن
منعه قرار ویرلدیکندن واشبو اعلام علیه ده
مستدعیلرک باشلوجه اعتراضاتی توجه خصومت
حقنده درمیان ایتیش اولدقلری اعتراضاتک
مسکوت عنه براغلمسی واثنای محاکمه وکشفده
اثبات مدعا ایچون ابراز ایتدکلری سنداتک
مأللریله اقامه ایتدکلری شهودک اخبارات
واقعاتی نظر دفته النامسی ومنازع فیه صویک
ملکیتی حقنده ابراز ایدیلان شهادتنامه
مجله جلیله نک بیک یدییوز قرقنجی ماده سی
حکمنجه معتبر اولدینی حالد بلا اسباب موجب
حکم وقوتندن اسقاط ایدلمسی ومن القديم کندو
دکرمانلرینه جاری اولان صو خصملری جانبندن

ایجابی مذاکره اولندقدده اعلام مذکورک
نتیجه مالی منازع فیه صویک انهار مباحه دن
اولدینی جریان ایدن تحقیقات ایله تین ایتسنه
وشو حالد بشرط السلامه هرکسک مذکور
صودن انتفاع ایده بیله جکی درکار بولندیفنه
مبنی مستدعیلرک منع مداخله سنه قراردن عبارت
اولسنه نظراً حکم واقع اسباب موجبیه مستند
واصول وقانونه موافق اولوب مستدعیلرک بالاده
محرر اعتراضات مذکور نک ردیله اعلامک
تصدیقنه وزیرده مفرداتی مرقم ایکوز یتیش
ایکی غروش مصارف محاکمه نک مستدعیلره عائد

اولمق اوزره اول امرده مدعی علیهمادن النمنه
۱۳ تشرین ثانی سنه ۳۰۸ تاریخنده متفقاً قرار
ویرلدی .

اطه پازاری بدایت محکمه سندن تجارت
صفی و ۱۶ ایلول سنه ۳۰۸ تاریخی و اوتوز
عددی ایله اعطای قلنان اعلامک تمیزی استعدا
ایدن اطه پازاری قریه سنک صوباجی محله سنده
مقیم دکر منجی حاجی نیقوله ایله مدعی علیه قصبه
مذکورک روم محمد محله سنده ساکن صرافاندن
حاجی پانده لی اوغلی انسطاش یوم معینه دائره یه
کدکارندن اصول محاکمه حقوقیه قانونک
ایکیوز یکریمی طقوزنجی ماده سی موجبنه
تدقیقات تمیزیه اجراسنه ابتدار قلندی .

اعلام مذکورک خلاصه مالی مرقوم
انسطاشک من بور حاجی نیقوله ذمتنده بایند
مطلوبی اولان الی الی لیرانک تحصیلی حقنده
استحصال ایلدیکی اعلام غیابی علیهنده من بور
حاجی نیقوله اعتراض علی الحکم عرضحالی

اعطاسیله عند المحاکمه دعوی واقعه مدعی مرقوم
طرفندن اولجه حقوق محکمه سنده اقامه ایلمش
وایشک پروزی اولسنه وفضله تسلیات ادعاسنه
مبنی کیفیت میزله حواله ایلدیه رک اوراجه
دردست تدقیق بولنش اولسبله بشکرار تجارت
محکمه سنده اقامه سنه مسامح اولمديغه بناء دعوانک
ردینی طلب وادعایتمش ایسده دعوی حاضره .
نک ایروجه سنده مستند اولوب میزله معرفتیه
دردست تدقیق اولان ایسه شمولی اولمديغه
مبنی دوام محاکمه به قرار ویرلدن صکره جریان
ایدن محاکمه اثناسنده طرفین متخاصمین
بوخصوصک دخی میزله معرفتیه تسویه سنجه

مابعدی وار

اعلان

سماحتلو حاجی محمدنوری افندی حضر تلرینک
فاطمه حمیده خانم ذمتنده قسمت عسکری محکمه .
سندن ویریلان بر قطعه اعلام شرعی موجبنه
الاجفی اولان مبالغ معلومه نک تأمین استیفاسی
ضمننده مدیونه مومی الیهانک عهده سنده اولوب

مرهون و وکالت دوریه ایله فروختی محکوم
بولنان بکقوز قضا سنه مضافه اینجیر قریه سنده
شهیدک زقاغنده واقع یکریمی طقوز نومرو ایله
مرقم دروننده خراب باغچوان اوطه سی و بر باب
خراب اخور و بر بئر ماء واشجار مثمره و غیر
مثمره یی و مقدار کافی کرومی مشتمل اون درت
بیگ طقوز یوز سکسان یدی زراع اوچ پرمق
ملک برقطعه بغچه و باغک اشبو تاریخ اعلاندن
اعتباراً اون بش کون صکره فروخته تشبث
اولنه جفتدن طالب اولنلرک پی سورمک و بوندن
دهاز یاده معلومات المی استیانیلرک مدت مذکوره
ختامندن صکره درسمادت اعلامات شرعیه
اجرا دائره سنه مراجعت ایلملری .

فی ۱۱ کانون اول سنه ۳۱۱

مذکورده اولمدينی و اقامتکا هلری مجهول
بولسدينی خبر ویریلان نیقولا سفریادیس نام
دیگر سفردو و مارقو علیهلرینه درسمادت
محکمه تجارقی برنجی مجلسنده اقامه ایلدیکی علامت
فارقه قیدینک ترقینی و ضرر و زیان و سائر دن
طولانی بیگ لیرا مطلوبات ادعاسی بیگ اوچیوز
اونبر سنه سی کانون ثانیکن سکزنجی بازار ایرتسی
کونی ساعت التیده فصل ورؤیت اولنه جفتدن
یوم و وقت من بورده مرقومان سفردو و مارقونک
بالذات محکمه مذکورده حاضر بولملری لازم
کله چکی شاید کلز و وکیل دخی کوندنرمن ایسه لر
حقلرنده معامله قانونیه نک اجرا اولنه جفی
معلوم اولمق اوزره تنظیم اولنان دعوتیه
ورقه لری محکمه نک دیوانخانه سنه تعلیق اولمدينی
اعلان ایدیلولر .

فی ۱۳ رجب سنه ۳۱۲

و فی ۱۸ کانون اول سنه ۳۱۱

فرانسالی موسیو روستن باردو زوب
و مادام ژان رامی و مادام کامیل دوکوری
سان پولک یمش اسکله سنده یورکینک ۹۲ نومرولی
قهوه خانه سنده ساکن ایکن بوکره محل

بك اوغلى بديت محكمه سى برنجى حقوق
دائرة سندن تنظيم واعطا اولسان ۲ تشرين ثانى
سنه ۳۱۱ تاريخلى قرار موجبجه يونان دولتى
تبعه سندن ديمترى پايا يوركينك دولت مشار اليها
تبعه سندن قسطنطى' ولد ديمترى اسقوته لا
ذمتده الاجبى اولان مبالغك تأمين استيفاسى
ضمننده مديون مرقومك بوغاز ايچنده بيوك-
درده الما طاغى زقاغنده متصرف اولدينى
بش نومرو ايله مرقم برباب خانه سنك بحرى
تحت قراره التمش ومعامله جزك اجراسى
ضمننده دائره عائده سنه تبليغات لازمه اجرا
قلمش ايسده متحجز مرقومك معلوم اقامتگاهى
اولمدينى جهتله اصول محاكمه حقوقه نك يكرمى
التبجى ماده سى موجبجه جز نامه نك برقطه
صورت مصدقه سى محكمه ديوانخانه سنه تعليق
اولتمش اولديغندن اعلان كيفيته ابتدار قلندى .

فى ۱۹ كانون اول سنه ۳۱۱

ژاندرمه دائره سى اعضا سندن مير الاى
عزتلو اسماعيل حقى بكك بوياجى اصاوس
طودورى ذمتده جهت كفالتدن طولايى
با اعلام محكوم به مطلوبى بولنان مبالغك مع قانص
ومصارف محاكمه واجرائيه تأمين استيفاسى
ضمننده مديون مرقومك اقسرائده چاقر اغا
محله سنك داود پاشا اسكله سى جاده سنده واقع
اوچ نومرولو وبش نومرولو ويدى نومرولو
بوياجى وقهوه دكانلرينك كدكنده يكرمى برصم
اعتباريله متصرف اولدينى اوچ حصه شايه
محجوزه نك تاريخ اعلاندن اعتباراً اون بش
كون صكره بالمزايده فروخته تشبث اولنه جنى
درساعات اعلامات نظاميه اجرا دائره سندن
اعلان اولتور .

۱۹ كانون اول سنه ۳۱۱